

1659

Viro admodum colendo

Quia Doctissimo ac æque Eruditissimo,

Tamque perantiquis majorum ceris, & imaginibus

Quam sua juxta virtute

Valde generoso

**RICHARDO BUSBÆO, S.T.B.**

Et celeberrimæ per *Britanniam* SCHOLÆ WESTMONASTERIENSIS

Archididascalo & Philopono dignissimo.

*Gulielmus Ogstonus* S.S. T.D. hoc Illi EPITAPHIUM Successori & Discipulo dudum

**LAMBERTI OSBOLSTONI**

Consecrari voluit.

*Ogston (w)*

**Q**UIS mihi, Pieridum veteri de fonte petita  
Verba subornabit queis demulcere beatos  
**OSBOLSTONE** rogos, & solvere Justa jacenti  
Sufficiam, plectroque tuam solarier urnam?  
Scilicet ille jacet, *Danaum* de sanguine prisco  
Editus, & Qui plus centum numerabat Avorum  
Stemmata, flebilibus caelebs ascribitur umbris.  
Ille jacet proci creptus vitalibus auris,  
Quem, *Fortuna* virum si non comes usq; sequuta est,  
Nusquam Illi tamen egregio sub pectore *virtus*  
Defuit, & sanctæ decus inviolabile vitæ.  
Quem, Puerum Musæ *Christi* pavere sub *Æde*,  
Et gradibus tollebat humo prægrande *Lyceum*,  
Inque Togatorum meritos admisit honores.  
Unde virentem *Briticæ* SCHOLA gloria *Gentis*  
Tutorem, pariterque Patrem præfecit Alumnis  
Discendi quos fixus amor, studiumque monebat  
Doctrinæ *Latices*, sacrosque haurire liquores.  
Hoc, vigil, Imperium, multos exercuit annos,  
Donec pertæsus (properâ vergente senectâ)  
*Atlas* descivit, totasque reliquit habenas  
**BUSBÆO** velut *Alcydi*, Qui grande levaret  
Pondus, & Imperii merito frueretur honore.

Sic tu sancte Senex, mortali carcere liber,  
Dulcia promissi gustas obsonia Cœli;  
Angelicis novus ipse cibus Conviva recumbens  
Pascaris, *Ætheriosque* sedens circumspicis orbes  
Arduus, erectisque oculis, præsentia sentis  
Gaudia, quæ vix olim animo sperare licebat  
Cum gravia obstarent invisæ pondera terræ.  
Quæ tamen ut fas cumq; fuit dum vita manebat  
Vincebas, veri ante alios servantior omnes,  
Fœdaque corrupti vitans contagia seeli.

Sed reliquas inter dotes, pars maxima tantæ  
Laudis erat constans in amico pectore candor,  
Quo, *Doctos* omnes charissimus ipse fovebas;  
Nec sineres (Menti si Res æquata fuisset)  
Agmina Doctorum Magnatum cingere portas,  
Aut remeare vagas, nullo curante, Camenas.

Ergo vos *Vatum* procures, inopumque Patroni,  
**LAMBERTUM** lugete pium, mortalibus auris  
Ereptum, & lachrymas tepido miscete Sepulchro.  
Tuq; inter summos **BUSBÆE** canende Poetas,  
Atq; Oratores, **LAMBERTUM** iuge Magistrum.  
Scilicet ante alie palmam  
Præserpis viridem, ceu fundere *Frorsa* fluenter,  
Aut iridem Tu *Vorsa* voles. Ter digne Cathedra  
Docte Polyglotte! mirabitur *Italus* ingens  
Ingenium, & *Gallus*; de Te criticismata prisca  
*Hebraei* didicisse queant. Tibi janua Linguae  
*Arabica*, *Syriaq;* patet, tantisque Trophæis  
Ad cumulum glomerata stupet Te *Roma loquentem*.  
Cultaq; **BUSBÆUM** miratur *Græcia* Vatem.  
Tu Vates, hos plange rogos, celeberrime *Apollo*,  
*Hospitium* cujus domus est, & janua cunctis  
Panditur Ingeniis, Nostrum quoque quæso (Senile  
Sit licet,) Hospitio foveas, tenuesque Cupressos  
Inter honoratas finito proserpere Laurus.  
Tum forsan meliore chely præconia pandam  
**BUSBÆO** concinna suo, fidibusque canoris  
Conabor meritis dignas persolvere grates.

*Observantissimi vestri Clientis*

GUL. OGSTONI S.S. T.D. & R. M.

*Quondam à Sacris.*